



Erein ahnsoun soumwahun lusulus o, koaros me kin ale sawas en Medicaid pouselahte aliale sawas pwukat oh e sohte uhdi mendahki irair karuwaru me pwarada ong roson en aramas koaros. Pelien Med-QUEST pahn tepida tuhwohng toweh kan (members) ni March 2023 pwehn kaesekin irail mehnia sounpwong me pahn kasalehda ihs nge irail kan me kak pil ehu iang ale sawas wet. Doadoahk en kakapwiala toweh kan me kak pouselahte ale sawas wet pahn tepida ni April oh pahn ekis ekis doudoula mwowe ni erein sounpwong 12

Iren Kalelapak kan Me Kin Kalapw Pwarada

1. Dahkot irair karuwaru wet me lelohng roson en aramas koaros oh ia duwen e dokedoke toweh kan?

Ni tepin soumwahu lusulus en COVID-19 o, pelien federal koperment pakairki ehu irair karuwaru ong roson en aramas koaros(public health emergency (PHE)) . Erein PHE wet, pali kan en Medicaid duwehte QUEST Integration (prokram en Medicaid ong weihn Hawaii) sohte kihsang eden towe kan, mehnda ma e wekila en aramas o irair en kak iang ale sawas wet (eligibility). Ni December 2022, Congress kamanahla kosonned ehu me katohrehla en Medicaid eh anahn en ale ire kan pwehn pwouselahtha kihda sawas kan, sang koasoandi en COVID-19 PHE oh uhd koasoanehdi me anahn en ale ire kan pahn imwisekla ni March 31, 2023, mehnda ma e weksang rahn me koasoandihong PHE o.

2. Dahme tohweh kan kak kasik ni ahnsou me koasoandi en kakapwiala ire kan pahn tepida ni April 2023?

Pakair en tuhwong toweh kan pahn wiawi erein sounpar ehu, tepida ni April, 2023 oh imwila ni March, 2024. Pwehki tohto douluhl uwen aramas kan me iang ale sawas wet ni ahnsou wet, oh e tohto sang aramas 465,000+, kaidehn Tohwe kan koaros pahn wiahkin teieu alehdi pakair wet. Kakapwlahn toweh kan wiaiwidahr ni pwihn en aramas kei, ni uwe ehu me mwahu ong koaros erein sounpwong 12 o.

3. Dahme tohwe kan kak wia pwehn onopada ong koasoandi en kakapwla wet?

Pwehn onopadahng ahnsoun kakapwla wet, Med-QUEST peki toweh kan koaros en kapwaiada ire kan me ntingdi pah:

- **Tehk ma noumwe ire kan duwehte delepwohn nempe, email ape e pwung oh doadoahk. Komw kak wia met ni omw kohla ni noumw account me mih ni [Medical.mybenefits.hawaii.gov](https://www.medicare.gov) de ni omw eker pelien Health Plan ni nempe me mih ni tihnsewen noumw insurance card en.**
- **Ma komw solahr anahne sawas en QUEST (Medicaid), eker kiht ni 1-800-316-8005, (TTY/TDD 711) pwehn kaesekin kiht.**
- **Tepida Ni April, tehk ma mie kisin likou mpwulapwul ehu me kidipeo pil poh mpwulapwul. Kisin likou wet kasalehda iren kaweid kan ong dahme komw anahne wia pwehn pil ehu iang ale sawas wet. Kisin likou mpwulapwuk wet pahn ele anahn omw pasapeng pwe komwi en kak alialehte sawas koaros ong omw roson. Tehk kanaiehng pwe ken wadek kisin likowo oh idawehn iren kaweid kan koaros ie, ma e kadoadoahkehng komwi.**
- **Ma komw ananehte sawas pwukat ahpw solahr kak pwurehng ale Med-QUEST, kalahngan oh tehk rehn omw wasahn doadoahk pwehn kilang ma komw kak ale sawas en insurance ong omwi roson.**
- **Ma komw solahr kak ale sawas en insurance ong omw roson sang omw wasahn doadoahk, kalahngan oh kohla ni Health Insurance Marketplace ni [HealthCare.Gov](https://www.healthcare.gov) de eker kiht ni 1-800-318-2596 pwehn pouselahte apwalih onmwi roson en paliwar oh ale sawas kan koaros me anahn!**

4. Iahd oh ia mwomwen toweh kan pahn ale pakair en kakapwiala nair doaropwe kan?

Sounpwong ehu mwohn sounpwong en kakapwiala doaropwe, kisin likou poh mpwulapwul me kidipe pil poh impwulapwul, pahn pekederlahng irail oh e audaudki iren kaweid kan ong soahng kan me re anahn wia pwehn pil ehu ale sawas wet. Tepida Ni April, se pahn tepida kousapahli nein aramas kan nair doaropwe oh sounpwong en May me pahn wia rahn me e kakapwla Ma toweh kan me nair doaropwe kan ong sounpwong en May sohte kakapwla oh re solahr kak ale sawas wet, arail sawas kan kak imwisekla ni June 1, 2023.

5. Ia duwe, tohn imwei pwon kak wiahkin teieu kakapwiala nair doaropwe kan, de emenemen pahn alehdi nair kisin likou en kakapwiala nair doaropwe kan?

Ekeite ahnsou me MQD pahn kakapwiala nein tohn nan ihmwe ehu pwon nair doaropwe ni ahnsou ehute.

6. I kak pouselahte doadoahngki health plan me I nainekiher ni ahnsou wet ma I kakapwiala nei doaropwe ko?

Pali laud en ahnsou, ei, ihte ma komw kousoula ekis wasa tohtohr oh noumw health plan o sohte mih ni omw wasahn kousoan kapw o.

7. Ma e dierek me aramas emen solahr kak ale sawas en Medicaid, dahme pahn wiawi?

Aramas emen me solahr kak ale sawas wet, pahn alehdi:

- **Doaropwehn kair ehu me kasaleha iaht e pahn imwisekla eh ahnsou en ale sawas,**
- **E pahn mie ire kan me kasalehda ia duwen omw kak peki ren pil ehu tehk ar pilipil o (appeal) ma komw kamehlele me mie mehkot sapwung, oh**
- **Mie ire kan duwen pelien insurance teikan ong epwelpen roson kak dierek ni [Healthcare.gov](https://www.healthcare.gov)**

8. Ma emen aramas solahr kak iang ale sawas en Medicaid, iawasa me e kak diar sawas en insurance ong eh roson?

- Ma komw anahne sawas en insurance ahpw solahr kak ale sawas wet sang Med-QUEST, kohla ni Health Insurance Marketplace ni [HealthCare.Gov](https://www.healthcare.gov) de eker kiht ni 1-800-318-2596.
- Ma komw anahne pil ekei sawas en rapahki ire kan, pelien Health Insurance Marketplace, MQD's Health Care Outreach Branch iangahki iengarail pwihn kan nan kousapw wet (me mih nan [medicaid.hawaii.gov/gethelp](https://www.medicaid.hawaii.gov/gethelp)) kak sewesei komwi wia wekidekla kan. Ekei en Med-QUEST nair Health Plan kan kak sewese irail kan me solahr kak ale sawas rehail en keseula sang Medicaid ong Marketplace.
- Irail kan me koamoaldih sang sounpei kak pil diar sawas teikan ong ar roson ni [VA Pacific Islands Health Care](https://www.va.gov/pacific-islands-health-care).

9. Dahme wiawihher pwehn lel nait aramas kan (members)?

Se tepidahr wia ehu kampein laud ni aht doadoahngki pelien kasdo, internet ape (media), iangahki advertise ni imwen kasdo kan (movie theaters). Mwuri, wasahn kasdo oh redio ong wehi pokon pahn wia pakair kan. Se pahn doadoahngki ahnsou mwahu kan me se alehdi sang pelien media oh patehng irail kan nan aht kousapw oh irail kan me kakehr usuhs pwehn kapehseieng aramas kan. Patehng met, se koasoanehdi en lel emenemen tohn QUEST ni aht kadarala ehu kisin likou me poh pwetepwet ni sounpwong en March pwehn kaesekin irail duwen koasoandi wet oh kaesekin irail mehnia sounpwong me arail case pahn kakapwla.

10. Ia mwomwen amwail pahn lel irail kan me sohte neirail internet de re mih nan wehi?

Aht koasoandi en STAY WELL STAY COVERED me se doadoahngki pwehn wia aht kampein en kapehse me mih ni nait [Med-QUEST website](https://www.medicare.gov) pahn kapatahiong mehn kair pwukat ni nting (printed) oh soahng kan me duwehte nuhs paper kan oh banner kan. Doaroapwehn kair ong kakapwla pahn pekederla ong irail kan me iang ale sawas wet ahpw sohte neirail internet pwe rehn kak alehdi ire pwukat.

11. lahd me kumwail kasik en kanekehla koasoandi en kilang ihs me kak pouselahte ale sawas en Medicaid ?

Se pahn tepida koadohke kaimwiseklahn pwihn en aramas ni March, 2024 ong irail kan me pahn kakapwiala nair doaroapwe kan ni April, 2024. Ong ekei aramas kan, en kamanahla nair doaroapwe kan kak lel rahn 60 pwehn kanekehla, met wehwehki me uhdahn kaimwiseklahn doadoahk wet pahn wiawi ni imwin May, 2024.